

HEADLINES (EVENING)

Date – 12/11/2024

Time - 18:30 -18:40Hrs

- Cheng nuai 132 senga Nagar Van Yojana (Urban Forest) scheme hnuia Serchhip khawpui kianga Entlang ngaw siam chu Chief Minister Pu Lalduhoman vawiin khan a hawng .
- Eptu Party ten ZPM sorkarin hmasawnna hminga hmalakna a kalpui tumnaah Mizote tan chanvo a awm si loh chuan awmze neilo a ni an ti.
- Naktuka Jharkhand Assembly inthlan thawkhatna atana inbuatsaihna peihfel a ni tawh
- Vawiin khan Public Broadcasting Day hman a ni.

<><><>

CM

Cheng nuai 132 senga Nagar Van Yojana (Urban Forest) scheme hnuia Serchhip khawpui kianga Entlang ngaw siam chu Chief Minister Pu Lalduhoman vawiin khan a hawng a, Forest Minister Pu Lalthansanga pawh he hunah hian a tel a ni.

Thu a sawinaah Chief Minister chuan, he tlang leh a chhehvel ram hi Mizoram laili lo luah hmasatute hmunhma langsar a ni a. Bengkhuia awp thin ram a nih vang ngawt pawhin humhalh a phu a ni a ti.

Serchhip khawtlang chuan sawrkar chet hma kum tam tak atangin ramngaw humhalh hna an lo thawk tawh a ti a, ramngaw nei tha ram leh khua apiang an la awhawm dawn a ni a ti.

Kum tinin lo leh huan hal la bansen theih ni chiah lo mahse, hmasawnna hnate pawh thawk zel chungin; ram tha taka humhalh an tum dawn a ti a. Environmental Balance (zero emission) nei turin kal zel an tum a ti bawk a ni.

Forest Minister Pu Lalthansanga pawhin thusawiin, Serchhip YMA te nena phei khai rual taka Nagar Van an kalpui chu a thawkhatna chauh a la ni a ti a, a thawk hnihna pawh an la chhunzawm zel dawn a ni, a ti.

Nagar Van Yojana hi sawrkar laipuiin khaw chhunga ramngaw siam beihpui a thlakna a ni a. Kum 2020 June ni 5, World Environment Day khan a puang a, a thawk khatnaah, “Kum nga chhungin urban forest 200 siam ni se, sum leh pai hi CAMPA (Compensatory Afforestation Fund Management and Planning Authority) CAF (Compensatory Afforestation Fund) atanga pek ni se, Pune khawpui chhunga Warje Urban Forest chu role model-ah hmangin khawpui dangah hmalak ve ni se”, a ti a. Entlang pawh hi chu hmalakna hmanga kalpui chu a ni.

Kum 40 chuang Serchhip YMA ten an lo enkawl tawh hectare 100 a zau, En Tlang Ngaw chhungah hian Nagar Van hmangin hectare 50 huam chinah thing engemaw zat phun belh niin Fur ruahui luangral tur khawlna tur hmun ruk (6) siam a ni a, check dam engemawzat siam niin, ke-a ramngaw fanna tur kawng te, Interpretation Hall te pawh siam a ni. Tlang chhipa Dil awmsa chu cheibawlin a chungah Lei dawh a nih bakah hmun dang pakhat-ah Hruizen Lei dawh a ni bawk.

<><><>

POL

Tun hnaia Assam chhunga rel kawng siam hnathawh mek avang leh Hindu-te kutpui avangin Mizorama mamawh tuialhthei leh nitin mamawh thenkhat lakluh a khaihlak hlek a,

Vawiina Akashvani Aizawl Correspondent-in Aizawl leh a chhehvela Filling station thenkhat a tlawh kualnaah petrol leh diesel a thleng mek a, hun reilote chhung khaihlak hret hnuah petrol leh diesel pekchhuah tur pawh a awm tan leh a, petrol pump manager te chuan Badarpur leh Lumding inkar rel kawng thawm that hna thawh a nih avang te leh Hindu-te kutpui vuakvetah tuialhthei phur lirthei-te duh ang a an veivah chak theih loh avanga supply khaihlak hret a nih thu an sawi a, hun

reilote-ah an dinhmun a pangngai leh vat an beisei thu sawiin mipuite tan chiaina tur engmah a awmlo tih Akashvani Correspondent-an hrilh a ni.

Treasury Square-a Mizofed Manager Pu Rohimiana thusawi lo ngaithla ang.

<><><>

ZPM PRIVATISATION

Eptu Party ten ZPM sorkarin hmasawnna hminga hmalakna a kalpui tumnaah Mizote tan chanvo a awm si loh chuan awmze neilo a ni an ti.

Tourism Minister hlui, Pu Robert Romawia Royte chuan Star Chaltlang Tourist Lodge five star-a hlangkai tura hmalaknaah hnamdang te nena indawrnaah fimkhur ngai a tam a ti a, Tourism Minister hian ZMC Central sorkara pek leh chumi hnua ZMC Special Package a puan ang maia a tak engmah a awm hmaa puangzar a ni leh mai ang tih a hlauhawm a ni a ti a, Sumdawng pawl kuta thil dah chintawk hriat a tul hle a ni a ti a, Mizoram rohlute Mizo mipuite ta nilova hnamdang ta a nihzel chuan Mizote zahawmna a hloh theih a ni a ti bawk.

MPCC General Secretary Pu Lalbiakzama chuan sorkar enkawl hmunhma leh kut te thlengin a kalpui chungchangah uluk taka thil a ngaihtuah a tul tih a sawi a, Mizoram sorkar chuan mipui mamawh leh sumdawnna a thliar thiam a ngai ni a a hriat thu sawiin Lengpui Airport midang kut a sorkarin hlan chhawn a tum ni ang a sawi chu thil tih chi a nih loh thu leh Airport chu mipuite mamawh sumdawnna a nih loh ang a hum hram hram a pawimawh thu a sawi a. Tourism Minister-in Chaltlang Tourist lodge five star hotel-a siam a tum chungchang pawh sawiin mimal kut a hlan a nih dawn pawhin Mizoram sorkar chuan hnam dang leh Mizoram pawn lama company-te kut a hlan mai lova Mizo thalai a ngaihna hria tam tak te intelkhawm tir a anni kut a hlan chu Mizoram tan a thil tha a nih thu a sawi.

Pu Lalbiakzama chuan Tourism Minister Pi Lalrinpuiin Reiek a neih thin Anthurium festival ai a chhim lama kutpui neih a rawt pawh Mizoram pawn atanga khualzin rawn chhim an tam phah leh phah lo en zui tura an party chuan a duh thu sawiin Mizo ten a kutpui an lawm thin chu Mizo taka lawm a ngaih thu leh chu chuan ramchhung mai nilo khawvel hman dang atanga khualzinte a hip theih tur thu a sawi bawk.

PC Party President Pu Vanlaluata chuan Mizoram sorkar sum leh pai dinhmun chhiat dan chu mipui nawlpui pawhin a an hriat phak loh hial a ni, a ti a. Pu Vanlaluata chuan Mizoram sorkar budget atanga chhuta zaa 80 chu sorkar hnathawk hlawh leh inrelbawlna ah a kal ral avangin, privatisation chu Mizoram mamawh leh anmahni tiama political party zawng zawngten an aupui thin a nih thu a sawi a, amaherawh chu hemi kawngah hian ngaihtuahna thui tak neih a tul sawiin privatise theih leh theih loh thil a awm thu a sawi.

Lengpui Airport mimal kut a hlan tumna awm chu thil tih chi a nih loh leh Air Force kut a hlan phei chu Mizo mipuite tan a harsatna siamtu leh mipuite tan hrehawmna tlentu a nih tur thu a sawi.

Mizoram sorakrin Chaltlang Tourist Lodge Five Star Hotel a siam a tum chungchang pawh sawiin Pu Vanlaluata chuan hnamdang kuta hlan chu an party-in tha an tih loh thu leh Mizoram leilung faten hmasawnna awm tho si in chanvo an neih loh a hlauhawm a ti a, hmasawnna chu thil tha nih rualin Mizote tan chanvo a awm si loh chuan awmze neilo a ni a ti.

Mizoram sorkarin Mizote kut a lawm thin mimal huaihawttir a tum chungchang pawh sawiin hnam kalphung mil lova a changkang ni a hriat dan a kalpui chuan khualzinte a hip phah loh thu leh Mizoram chhunga Mizote bawkin kut an chhim thin thu a sawi a, Mizote pawisa tho heng kut a a luh thin avangin Mizoram chuan hlawkna a neih loh thu a sawi bawk.

<><><>

POLYTECHNIC

An building kalhsak tur a nih avanga zirlaite hmakhua zawng zawng nghawng vek tur Lungleia Mizoram Polytechnic building te chu Court in kalk lo turin vawiin khan thupek dang a chhuah leh a,

Lunglei District Civil Judge CJM Pi Lalthansiami Hnamte chuan thupek chhuahin, zirlaite hmakhua ngaiin he thutlukna hi siam a ni a, hei bakah hian Mizoram sorkar chuan Mizoram Polytechnic atana mimal ramluah man bat chungchang hi court sang ber, Supreme Court ah kalpui a tum avangin, Lunglei Police OC hnenah Polytechnic building 7 kalk tur a thupek a chhuah chu a sut a ni.

Polytechnic zirlai naupang te hi naktuk a an exam mai dawn avang leh Supreme Court a sorkar a zualko avangin Dec 2025 thleng hun pe a ni, hemi chhung hian Sorkar chu lo in chingfel tur a tih a ni.

Hetihlai hiam, Police te chuan vawiin nileng khan Court thutlukna thar hi nghakin Polytechnic building hi an kalk lova, hetianga Judgement order thar a awm takah chuan Kalh a ngai ta lo a ni an ti.

<><><>

AIR NEWS ON SOCIAL MEDIA

Chanchinhar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinhar hi ngaihthlak leh chhiar theih a dah a ni.

<><><>

JHARKHAND

Naktuka Jharkhand Assembly inthlan thawhkhata atana inbuatsaihna peihfel a ni tawh a. Assembly bial 43 ah vote thlak a ni ang.

VC

Inthlan thawhhnihna hi tun thla ni 20 ah Assembly bial 38 ah neih a ni leh dawn a. Vote hi tla te hi tun thla ni 23 ah chhiar a ni ang. Jharkhand Chief Electoral Officer K.Ravi Kumar chuan inthlan puan anih atanga dan phalloh sum leh bungrua an man tawh hi cheng vaibelchhe 179 hu a lting tawh a ti a.

Nakukah hian Assembly bial 33 leh Wayanad Lok Sabha By-election vote thlak a ni bawk ang.

<><><>

JHARKHAND ELECTION

External Affairs Minister Dr.S.Jaishankar chuan India leh Russia te sumdawnna hlut zawng chu kum 2030 ah chuan dollar tluklehdingawn 100 a tling tawh ang a ti. Vawiina New Delhi-a India-Russia Intergovermental Commission Session vawi 25-naah he thu hi sawiin Dr.Jaishankar-a chuan Russia chu India tan leitha hmuhna hnab er a ni tawh a ti a. Russia in tuialhthei thlifim loh crude oil, lungalhthei leh uranium a pekte chu a pawimawh hle a ni a ti bawk.

Russian Firs Deputy Prime Minister Denis Manturov pawhin thu sawiin kum nga kalta chhungin ram pahnih sumdawnna chu a let nga laiin a thang a ni a ti.

<><><>

PUBLIC BROADCASTING

Vawiin khan Public Broadcasting Day hman a ni a. He ni hi kum 1947-a hnampa Mahatma Gandhia'n Delhi-a Akhasvani studio a tlawh hratreng nan hman thin a ni a. Pu Gandhi-a khang hunlaia ram then anih avanga Haryana-a Kurukshetra-a khawsa te tan thuchah a sawi a ni.

<><><>